



Nakon hapšenja kadrova Službe za poslove sa strancima **Tužilaštvo BiH zatražit će pritvor za Kordića i Kvesića**

Nakon kriminalističke obrade u službenim prostorijama Državne agencije za istrage i zaštitu (SIPA), šef Terenskog centra Službe za poslove sa strancima u Mostaru Boris Kordić i Josip Kvesić, inspektor Službe, te Vlatka Puljić i Ana Miličević, kao i italijanski državljanin Luka Kobre (Luca Cobre), koji su u srije-

du uhapšeni u akciji pod nazivom „Pelegrino“, jučer oko podne predati su u nadležnost Tužilaštva BiH.

Portparol Tužilaštva Boris Grubešić kratko nam je jučer kazao da je „u toku saslušanje“ te da će za uhapšene biti zatražen pritvor.

Kako su naveli iz Tužilaštva BiH i SIPA-e, ova petorka označena je kao

organizirana kriminalna grupa koja se tereti da je od stranih poduzetnika koji imaju hotele, motele i druge ugostiteljske objekte, uglavnom po Međugorju, tržila novac kako bi im osigurala ono na šta su oni po zakonu imali pravo, ali i kako bi im progledala kroz prste za nepravilnosti.

M. Sm.